



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

Vt se in passione domini exerceat. 54

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

omni tempore: potissimum autem ad septem
 las horas, in quibus ecclesia Deum laudat, quip
 pe qui membrum eiusdem ecclesiae existit, & in
 superiora templi, in ipsa videlicet arcana sancta
 sanctorum introijt, offerens ibi sanguinem agni
 innocentis pro peccatis vniuersae plebis: qui qu
 includi meruit in ipso summo angulari lapide
 Christo Iesu domino nostro, qui est lucerna lu
 cens, & splendor diuinæ claritatis cœlum ter
 ramq; illuminans.

Qualiter anima deuota in dilecti sui pas
 sione exercere se debeat. Cap. LIII.

AD deuotam quamlibet animam hoc pro
 prie spectat, vt iugiter in pectore suo pro
 ciosissimum passionis sponsi sui thesaurum
 circumferat, preciosumq; illud clenodiũ in scri
 nio cordis sui includat, de cuius nimirum odore
 omnia eius vulnera sanantur, per quod ipsa pu
 ra ac munda efficitur, decore vestitur, & nobiliter
 reficitur atq; cibatur. Hæc nempe domini sui
 passio simul collecta velut myrrhæ fasciculus in
 ter vbera sua seruata, ipsam inter prospera de
 primet, & inter aduersa sustollet, in tribulatio
 ne & cruce gaudere, & omnia quæ corpori mo
 lesta sunt, omnem paupertatem, desolationem,
 contemptum & confusionem ob amorem illius
 amplecti faciet, quippe per quæ mundatur in o
 culis domini, mens erigitur, chorusca claritate
 irradiatur, & sapida scientia repletur. Nunc igitur
 o anima mea labora viriliter, et recollige om
 nes vires tuas cum omni viuacitate memoria
 tuæ, subtilitate intellectus tui, promptitudine vo
 luntatis tuæ, easq; in acerbissimam saluatoris tui
 passio

LIBER II.

passionem immerge. ¶ De modis autem exerci-
 tii passionis Iesu Christi sciendum est, q̄ circa pas-
 sionem dñi potest homo se habere sex aut septē
 modis, considerando videlicet ipsam. Primo q̄-
 dem cū continua exercitatione ad ipsum imitan-
 dum, sicut Apostolus ait: Hoc sentite in vobis,
 q̄d & in Christo Iesu. Ac si aperte dicat: Cū cor-
 pore, aia, corde, sensibus & operibus sequimini
 saluatorē vestr̄. Quod & sponsus in Canticis in-
 nuit, dicens ad sponsam: Pone me vt signaculū
 super cor tuū, toto desiderio me diligendo, & vi-
 goroso cordis affectu te mecū vniendo, vt signa-
 culum super brachiū tuum. Per brachia, opera
 designātur, quasi dicat: Nō sufficit, vt corde me
 diligas, volo insuper atq; desidero, vt amorē cor-
 dis exhibitōe probes operis, & mea vestigia se-
 quaris. ¶ Secundo, ad intime cōpatiendū. Etenim
 si hic cū vera cōpassione dñi nostri passionē ru-
 minauerimus, in futura vita maiori cū ipso gau-
 dio perfruemur. Quis aut non intima cōpassio-
 ne afficiatur, recogitans quanta pro nobis ipse
 sustinuit? ¶ Tertio, ad profunde admirandū, con-
 siderando quis sit ille, qui patitur, a quibus, &
 pro quibus patiatur. Quis non miretur omni-
 potentissimum Deum tantam pœnam & mortem
 adeo turpissimā sustinuisse: Sed vt amplius mi-
 reris, noli solam humanitatem attendere, sed re-
 cogita hunc esse Deum tuum, creatorem tuum,
 iudicem tuum, spem tuam, & sponsum tuum.
 Quarto, ad interius exultandum, & spiritum re-
 ficiendum. Quomodo enim nō merito dicamus,
 & iactabūdi cū Propheta psallamus: Anima no-
 stra sicut passer erepta est de laqueo venantium?
 Et: Adiutoriū nostr̄ in nomine dñi. ¶ Quinto, cū
 X tora

MARGARITAE EVANG.

totali sui ipsius transformatione, ita ut omnes animæ vires rubricatæ in acerbissimam passionem domini nostri Iesu Christi liquefiant. ¶ Sexto, ad dulciter quiescendum, ut videlicet homo in ea totaliter quiescat. Quod fit, cum iam totus homo quodammodo convertitur in ipsum, scilicet dominum nostrum Iesum Christum crucifixum, ut iam quasi ubiq; & semper ei crucifixus occurrat Iesus, atq; humiliter & ardentè in abyssis passionis dominicæ sese exercitare non cessat. ¶ Septimo, ut per ardentem flammigerumque amorem cõtinuamq; exercitacionem accendatur, deficiens a se, & omnem quietè, solatium atq; dulcedinem suam in Christo Iesu constituens, ita ut iam nihil omnino huius seculi, neque delectatio, neq; tribulatio, neq; angustia, neque contemptus, neq; ægritudo, neq; sanitas, neque prospera, neq; aduersa secundum eius partem superiorem & optimam eum cõmouere possint, sed in his omnibus immobiliter quiescat, ita ut veraciter dicat cū sponsa: Sub vmbra illius, quæ desiderabam, sedi, & fructus eius dulcis gutturi meo. Et sic mutuo se augent in ipso adhæsiõ & amoris deuotio, donec totus deficiens, absorbeatur ab illo camino ardentissimi amoris passionis dilecti sui ad quiescendū in amplexibus ipsius sui, qui tunc clamare cogetur ac dicere: Adiuuare faciatis dilectam, sed inter brachia mere quiescere permittite, donec ipsa velit. Hic iam sponsa ab omni exteriori occupatione quiescit, eiusq; introitus est in diuinam fruitionem & spiritus vnionem, & exitus in Christi passionem, ad sequendum vitã & passionem dñi sui. ¶ Et istud

LIBER II.

istud sane p̄ semetip̄m Dei filius nos edocuit at
 que fecit, qui iugiter in maxima spiritus sui ex-
 ultatione cœlestis patris sui vultu fruebatur, &
 in anima, & corpore eiusdem patris sui volun-
 tatem et obedientiã strenuissime semper exequa-
 batur. ¶ Ipsa quoq̄ nobilissima atq̄ purissima
 virgo Maria istud idem perfectissime fecit, quæ
 spiritũ suum, omnesq̄ vires animæ suæ secundũ
 Dei acceptissimã voluntatẽ totaliter vnicebat,
 & in anima & corpore diuino obsequio se prõ-
 ptissimã exhibebat. Et quis Dei filius in ipsa in-
 carnatus esset, & in eius virgineo vtero quiesci-
 set, suasq̄ delicias in ea habuisset, ipsa quoq̄ li-
 cet Deũ genuisset, educasset, eiq̄ ministrasset, &
 in omni passione & angustijs, ac ignominiosa
 morte eius ille adesset, & inde mix in modũ a-
 nima & cor ipsius sauciaretur: attamẽ sp̄s eius
 in summa semper libertate erat, ipsaq̄ beatissi-
 mam Trinitatẽ in sp̄ũ & veritate iugiter ado-
 rans, omnipotenti Deo dulci quadam libertate
 adhærebat, totius perfectionis exẽplar effecta.
 ¶ Faciunt istud etiã ipsi cœlestes sp̄s, qui Deo
 & hoĩbus propter Deũ inseruientes, summe Tri-
 nitatis indefinenter essentia perfruuntur. Fecer-
 unt etiã istud electissimi quicq̄ Dei amici, Pau-
 lus, Augustinus, Bernardus, Franciscus, Agnes,
 Catharina, Barbara, Cecilia, et alij innumerabi-
 les: quorum omnium introitus erat in diuinita-
 tem, & exitus atque fundamentum in vita ac
 passione domini nostri Iesu Christi: cuius etiam
 vestigia sunt sequuti, Obseruat istud etiam tam
 interius quã exterius sancta ecclesia mater no-
 stra: quippe q̄ non ignorat nec exteriora sine in-
 terioribus, nec interiora sine exterioribus exer-

MARGARITAE EVANG.

citius recte administrari posse. Conandum est itaq;
vt vtrūq; habere possimus. Etenim vita & passio
Christi fundamentum est, cui oēs virtutes super-
ædificantur, sine quo etiam fundamento nullæ
possunt virtutes diu subsistere. Ideo virtutes o-
mnes ei sunt vltèrius superædificandæ.

Qualiter passionem domini nostri intra
nos circumferre, eamque imitari debeamus.

Cap. LV.

SI igitur o anima mea saluari desideras, fun-
damentū istud ante oia intra teipsum collo-
care debes: intrare deinde p̄ Christū Iesum,
qui ait: Ego sum ostiū, per me si quis introierit,
saluabitur. Et iterum: Ego sum via, veritas et vi-
ta. Qui ambulat per me, non errabit. Qui credit
in me, non decipietur. Et qui adhæret mihi, vnus
mecum spiritus est, & habebit lumen vitæ. Et
ingredietur & egredietur, et pascea inueniet. Ac
si patēter dicat: Non satis est in humanitate mea
exerceri, vltèrius in præclarissimæ diuinitatis ef-
sentiam procedendum est. Nihil enim sine diui-
nitate prodest humanitas. Etenim vt homines
dij fierent, Deus factus est homo. Egrediens ita-
que in nobilissimam humanitatem meam, do-
ctrina & exemplis meis suauiter reficietur. Om-
nes namq; per Christi vitam ac passionem libe-
rati sumus atq; redempti: cœlum apertum, & Sa-
tanæ virtus imminuta. Nec quicquam Deo ac-
ceptius, nobis salubrius, dæmonibus pernicioso-
us existit, q̄ iugiter in cordibus nostris circūfer-
re passionē dñi nostri. Quilibet ergo, prout me-
lius poterit, in ea sese exercere debet, & assuetu-
cere in omni actione sua eam velut speculum,
& 100